

## Script of Evening Gojri News Bulletin 03 January 2025 at 1700 Hrs

ایونٹنگ گو جری نیوز بلیٹن مورخہ 03 جنوری 2025

\*\*\*\*\*

یوہ آکا شوانی جموں ہے محمد مبارک ماہر تے محمد اکرم چودھری تیں خبر سٹو۔ پہلاں خاص خاص خبر۔

### Headlines

- \*1- ریلوے وزارت نے نواں جموں ڈویژن غی تشکیل واسطے فیروز پور ڈویژن نانہہ منظم کیو ہے۔ وزیر اعظم مودی 6 جنوری نانہہ عملی طور افتتاح کریں گا۔
- \*2- جموں کشمیر غا پیرا تیر انداز راکیش 17 جنوری نانہہ ارجن اعزاز حاصل کریں گا۔
- \*3- گو رنمنٹ میڈیکل کالج تے اس سنگ جڑیا شفا خانو راجو ری جگر غا مریضاں واسطے فائبرو سکین سہولت غو آغاز کرے گو۔
- \*4- ضلع ریاسی مانہہ بواہ مشن غے تحت بنیا دی سروے شروع ہو گیو ہے۔
- \*5- محکمہ موسمیات نے 5 اور 6 جنوری نانہہ پلو الٹ جاری کر دتو ہے تے 4 توں 6 جنوری درمیان پہاری برفباری اور بارش متوقع ہے۔

\*\*\*\*\*

خبراں غی تفصیل نال پہلاں عبد الرحمان شاہین۔

### Jammu Rly Div

ریلوے وزارت فیروز پور ڈویژن غی تنظیم کو کر غے شمالی ریلوے زون غے تحت جموں مانہہ صدر دفتر غے نال اک نواں ریلوے ڈویژن قائم کرے گی۔ آکاشوانی غا نامہ نگار نے خبر دتی ہے کہ وزارت غی طرفوں 1 جنوری 2025 نانہہ شمالی ریلوے نانہہ اک باضابطہ مواصلت مانہہ کہیو گیو ہے کہ جموں ڈویژن مانہہ 5 حصاں پٹھانکوٹ، جموں، اڈھم پور سرینگر با رہمولہ بھوگپور سروال پٹھانکوٹ، بٹالہ پٹھانکوٹ تے پٹھانکوٹ جو گیندر نگر ہون غی تجویز ہے۔ 5 جنوری نانہہ سرینگر تیں جموں تک چلن آلی اک خصوصی معائنہ ریل گڈی چلائی جائے گی جیڑی خطہ غی ریلوے غی ترقی مانہہ اک تاریخی سنگ میل ہے۔ آکاشوانی جموں غا نامہ نگار نے خبر دتی ہے جے وزیر اعظم نریندر مودی 6 جنوری نانہہ ویڈیو کا نفرسنگ غے ذریعے جموں ریلوے ڈویژن کا قیام با رے اعلان کریں گا۔ اس تقریب مانہہ جموں کشمیر غا وزیر اعلیٰ عمر عبداللہ تے لیفٹنٹ گورنر منوج سنہا وی موجود رہیں گا۔ 5 جنوری نانہہ مرکزی ریلوے وزیر کشمیر ریل منصوبہ، سرینگر ریلوے اسٹیشن تے اڈھم پور سرینگر با رہمولہ ریل رابطہ سکیشن غو معائنو کریں گا۔ اس سلسلہ مانہہ بولتاں واں ایڈیشنل ڈاویژنل ریلوے منظم جموں راجیو کمار سنگھ نے اس طرح کہیو۔۔۔ با نٹ۔۔۔ واضح رہے جے 7 جنوری تے 8 جنوری نانہہ ریلوے حفاظت با رے کمشنر دیش چند دیشوال ریاسی کلٹرا سیکشن کشمیر ریل پروجیکٹ غو معائنو کریں گا۔

\*\*\*\*\*

### Rakesh Arjuna Award

اٹھ سال غی سخت تربیت تے محنت تیں بعد جموں کشمیر غا بین القوامی پیرا تیر انداز راکیش کمار نانہہ باوقار ارجن اعزاز سنگ نوازیو جائے گو۔ نوجواناں با رے امور تے کہیڈ غی وزارت نے آج باضابطہ طور ور سال 2024 غا قومی کہیڈ اعزاز حاصل کرن آلاں با رے اعلان کیو ہے۔ یہ اعزاز 17 جنوری نانہہ راشٹر پتی بھون مانہہ ہون آلی اک تقریب مانہہ صدر جمہوریہ درویدی مرمو غے ہتھوں کھڈاریاں نانہہ دتا جائیں گا۔ مذکورہ کھڈاری نے مچ سارا عالمی مقابلان مانہہ ہندوستان غی نمائندگی کی ہے، تے اپنا پیشہ مانہہ لین آلی حمایت اور رہنمائی با رے شکریہ ادا کیو ہے۔

\*\*\*\*\*

### Fibro Scan Facility

جموں کشمیر غا محکمہ صحت نے جی ایم سی راجو ری تے اس سنگ جڑیا شفاخانہ مانہہ فائبرو اسکین غی سہولت شروع کی ہے۔ یاہ سہولت جگر با رے مریضاں واسطے ہے، پہلاں ان مریضاں نانہہ اپنا کالجاں غو فائبرو اسکین ٹیسٹ کروان غا سلسلہ مانہہ جموں جانو پے تھو، پر ہن انہاں نانہہ یاہ سہولت گو رنمنٹ طبی کالج راجو ری مانہہ لب رہی ہے۔ مذکورہ کالج غا پرنسپل ڈاکٹر ایس اے بھائی نے اک پریس کانفرنس غے دوران دسیو جے ات ہون آلا اس ٹیسٹ سنگ لوکاں نانہہ کافی سکھ لہو ہے اور وے بہت خوش ہیں۔ اس تیں علاوہ جموں کشمیر سرکار جی ایم سی راجو ری مانہہ ڈیجیٹل ریڈیو

گرافی مشین وی لائی ہے، جس غی وجہ تیں ہُن ات ڈیجیٹل گرافی کی جا رہی ہے اور لوک اس تیں فائدو چاہ رہیا ہیں۔

\*\*\*\*\*

## Nagar Kirtan Jammu & Kathua

جموں مانہہ سیکھ برادری نے سکھاں غا 10 واں گورو گورو گو بند سنگھ کی غا پیدائشی تہاڑو بڑی عقیدت تے جوش و جذبہ نال منایو۔ اس موقعہ ور اک متحرک نگر کیرتن یعنی مذہبی جلوش غو احتتام کیو گیو۔ مذکورہ جلوں پنج پیاراں غی قیادت مانہہ شبد کیرتن، گتکا غا مظاہراں، مذہبی جھنڈاں تے روایتی موسیقی مانہہ کڈیو گیو جس نے تقریب غی رونق مانہہ بابڈو کیو، اس تیں علاوہ ضلع کٹھوے غا شہر مانہہ سکھ گورو گورو گو بند سنگھ غا نگر کیرتن مانہہ عقیدت منداں نے بدھ چڑھ غے حصو لیو۔ ضلع غی گردورہ پر بندق کمیٹی نے گورو گو بند سنگھ غا پرکاش اُتسو غا موقعہ ور نگر کیرتن غو اہتمام کیو۔ جہیڑو گورو دوارہ سنگھ سبھا کٹھوے تیں شروع ہو غے شہر غا بکھ بکھ حصاں تیں گذریو۔ اس موقعہ ور قانون ساز اسمبلی کٹھوے بھرت بھوشن سنگھ، ڈی جی پی سی غا صدر چرنجیت سنگھ تے دوجا معزز شہریاں نے نگر کیرتن مانہہ حصو لیو۔

\*\*\*\*\*

## Doda Cleaness Drive

ضلع انتظامیہ دوڈہ نے ”سوچھ فار چینج“ تنظیم غے نال رل غے اک صاف ستھرو تے سر سبز ضلعو بنان غا اپنا مشن گا اک حصہ غا طور ور وارڈ نمبر 8 ڈاک محلہ مانہہ ٹھوس فضلہ با رے انتظام غی پہل شروع کی۔ اس کوشش غو مقصد فضلہ نانہہ مناسب طریقہ سنگ ٹھکانے لان تے ماحولیات ور اس غا اثرات با رے بیداری پیدا کرنو ہے۔ میونسپل کمیٹی دوڈہ غا ایگزیکٹو آفسر روی کمار نے اعلان کیو ہے کہ صفائی مہم مانہہ ضلع غی تمام 17 وارڈاں غو احاطو کیو جائے گو۔ خاص توجہ آلا علاقہ مانہہ بازار غی صفائی ستھرائی، گیراج تے دوجا بڑا فضلہ آلا علاقہ شامل ہیں۔

\*\*\*\*\*

## KV Doda

تعلیمی ڈھانچہ نانہہ مزید مضبوط بنان آلے پاسے اک اہم قدم نال بھارتی سرکار نے وزیر اعظم نریندر مودی غی قیادت مانہہ ضلع دوڈہ غا جو دھ پور مانہہ کینڈریہ ویدیالیہ غی تعمیر مانہہ تیزی آئی ہے۔ 29 کروڑ روپیاں غی لاگت نال تیار کیو جا رہیو یوہ منصوبو اس ویلے توڑی 40 فیصد مکمل ہو گیو ہے۔ جس غو مقصد ضلع مانہہ طالب علمان نانہہ بہتر تعلیم فراہم کرانو ہے۔ یوہ قدم جموں کشمیر مانہہ تعلیمی مواقع نانہہ بہتر بنان واسطے سرکار غا وعدہ نانہہ واضع کرے۔ اس اسکول نال نہ صرف دوڈہ مانہہ ہی فائدو نہیں وے گو بلکہ اس غے کول کال غا علاقہ وی مستفید ویں گا۔

\*\*\*\*\*

مزید خبراں نال محمد اکرم چودھری۔ ور اُس تیں پہلاں یوہ پیغام (یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آئیر ڈاٹ گو ڈاٹ آن ور وی دستیاب ہیں، اس تیں یہ خبر مہاری موبائل ایپ تے ڈی ڈی ٹی ایچ ور وی دستیاب ہیں)

## Mission Yuva Reasi

مشن یوا (نوجوانان نانہہ با اختیار تے پیشہ وارانہ ترقی) غے تحت انتہائی بیس لائن سروے ضلع ریا سی مانہہ ضابطہ خطہ مانہہ نوجوانان غی آبادی اور سماجی و اقتصادی حالات مہارت غی سطح، تعلیمی حیثیت اور روزگار غی ضروریات غا بارے مانہہ اہم ڈاٹو اکھٹو کرنو ہے۔ یاه پہل نوجوانان نانہہ مداخلتلاں غے ذریعے با اختیار بنان، ہنرمندی غی ترقی تعلیم مانہہ خلاء اور مواقع غی نشاندہی کرن غا نظریہ نال چلائی گئی ہے۔ اس موقعہ ور بولتلاں واں اٹیشن ضلع ترقیات کمشنر ریا سی سکھ دیو سنگھ سمبھیال نے اس طرح کہیو۔۔ بانٹ۔۔

\*\*\*\*\*

## DC Ramban RSETI

دیہی خود روزگار تربیتی ادارہ (آر ایس ای ٹی آئی) رام بن نے حال ہی مانہہ اپنو 30 روزہ تربیتی پروگرام اختتام پزیر کیو ہے، جس غو مقصد ضروری کاروباری مہارتاں نال خواتین نانہہ با اختیار بنانو ہے۔ ڈی سی رام بن بصیر الحق چودھری غی رہنمائی مانہہ منعقد ہون آلا اس پروگرام مانہہ خواتین نانہہ اپنا منصوبہ شروع کرن مانہہ مدد کرن واسطے عملی علم تے اوزار فراہم کرن ور توجہ مرکوز کی گئی

ہے۔ اے ڈی ڈی سی درشن لال نے شرکاء نانہہ خود انحصاری حاصل کرن واسطے پی ایم ای جی پی تے مُدرا جیسی سرکاری اسکیمیں توں فائدو چان غی ترغیب دتی۔ اس تربیت نے خواتین نانہہ اپنا کاروباری خواہاں نانہہ پورا کرن اور مقامی معیشت مانہہ حصو پان واسطے درکار اعتماد اور مہارتاں تیں لیس کیو ہے۔

\*\*\*\*\*

## PMAY Ramban

سب واسطے محفوظ تے آرام دابک کھر فراہم کیا جان آلے پا سے اک اہم قدم مانہہ پر دھان منتری آواس یوجنا (پی ایم اے وائی) نانہہ ضلع رام بن مانہہ موثر طریقہ نال نافذ کیو جا رہیو ہے۔ مہارا ضلع نامہ نگار اجے دیپ سنگھ نے اطلاع دتی ہے جے دیہی علاقہاں ورتوجہ مرکوز کرتاں واں رام بن غی 80 فیصد آبا دی پہلاں ہی اس سکیم تیں مستفید ہو چکی ہے۔ اور انتظامیہ غو مقصد ہے کہ اس سال مانہہ ضلع نانہہ 1 سو فیصد اس سکیم غے تحت آئیو جائے مزید محکو مستفیداں واسطے ادھار سیڈینگ نانہہ ترجیح دے رہیو ہے، تاکہ اس عمل مانہہ شفافیت اور کارکردگی نانہہ بدھایو جا سکے۔

\*\*\*\*\*

## Weather

محکمہ موسمیات نے جموں کشمیر مانہہ 5 تے 6 جنوری نانہہ "پلو الرٹ" جا ری کرتاں واں کہیو کہ مذکورہ مدت غے دوران کچھ اک مقامات ورتگڑی بارش تے برف پین غو امکان ہے۔ آکاشواںی جموں غا نامہ نگار نے خبر دتی ہے جے محکمہ موسمیات نے پیشنگوئی کی ہے جے 4 تیں 6 جنوری تک جموں خطہ غا میدانی علاقہاں مانہہ ہلکی تیں درمیانہ درجہ غو بدل جد کہ پورا جموں کشمیر غا اکثر مقامات ورت برف پین غو امکان ہے۔ 5 تے 6 جنوری نانہہ برفانی تودا ٹہن، پسی پین تے اُچیاں تھاراں وروں پتھر چھڑکن نال گڈیاں لاریاں غی آمدورفت مانہہ خلل ہو سکے۔ تاریخی مغل شاہراہ جہیڑی وادی کشمیر نانہہ خطہ جموں غا سرحدی ضلع راجوری تے پونچھ نانہہ جوڑے آج ستویں تھارے وی اُچا علاقہاں مانہہ تازہ برفباری غی وجہ تیں بند رہی۔ آکاشواںی جموں غا نامہ نگار نے خبر دتی ہے مغل شاہراہ ورتلکن غی وجہ تیں گڈیاں لاریاں غی آمدورفت بدستور معطل رہی۔ اس سلسلہ مانہہ ایس ڈی ایم سرنکوٹ فاروق خان نے کہیو کہ پیر کی گلی غے نیڑے غا علاقہاں مانہہ کل سویرے 3 تیں 5 انچ برف پین غی وجہ تیں مذکورہ شاہراہ بدستور بند ہے، تے سڑک غی بحالی موسمی حالات مانہہ بہتری تیں بعد ہی ممکن ہے۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔

News Read by:- Mohd Mubariq Mahire & Mohd Akram Choudhary

News Editor:- Kunal Shrivasta

DEO:- Alam Khan

Skilled:- Rajat Paul